

**EDUKASAUN EKOLOJIKA ADEKUADA NIA
URJÉNSIA HAKILAR: Hi'it An mai, Na'i Jezús
HAHÚ LA'O!**

Halakan roman esperansa, justisa no damen nian

G: Semana daruak Adventu nian

konvida ita atu hahú la'ó, fó
buat di'ak liu ne'ebé ita iha,
ita-nia talentu sira,
sentimentu sira, servisu
sinseru. Ladún importante ita
fó hira, maibé importante liu
oinsá ita fó. Nune'e, urjente
liu haka'as an iha estilu
edukativu foun, ne'ebé fó
prioridade ba formasaun
ekolójika.





H: Na'i, hi'it An mai, ami hein
Ita, mai hamutuk ho ami
ne'ebé la'o daudaun, mai
rega ami-nia moris ho
esperansa atu ami bele halo
tetu dalan ignoránsia no
egoizmu nian. Mai no hela
ho ami

Kantu: Mai Na'i Jezús



L: Husi *Laudato Si'*, n. 210

Edukasaun ambientál sei loke ita-nia an atu haksoit ba Mistériu, no hosi nia étika ekolójika simu ninia sentidu kle'an liu.



Aleinde ida-ne'e, iha edukadór-sira ne'ebé bele ordena filafali itineráriu pedagójiku-sira hosi étika ekolójika, atu bele tulun loloos buras iha solidariedade, responsabilidade no bali ne'ebé dada hosi laran-sadia

L2: Lk 3,1-6

Iha tinan sanulu resin lima liurai boot Tiberio nia ukun nian, wainhira Poncio Pilatos mak emboot iha rai Judeia, Herodes liurai iha rai Galileia; Filipe, Herodes nia alin, liurai iha Ituureia no Trakonitide, no Lisantias liurai iha rai Abilene; wainhira Anas ho Caifas mak hala'o knaar am'lulik boot nian, Na'i Maromak nia lia tun ba João, Zacarias nia oan, iha rai fuik maran. João la'o lemo rai besik mota Jordao nian, hodi haklaken ba ema hotu baptismu atu hakribi sala hodi hetan perdua, nu'udar hakerek ona iha livru profeta Isaías nian, dehan:

“Lia ida hakilar iha rai fuik maran: ‘Hadia Na'i nia dalan! Halos Na'i nia dalan inuk! Taka tiha rai klean hotu! Hatun foho tomak, aas no badak! Halos dalan kleuk! Halo kaber dalan aat hotu! No ema tomak sei haree Maromak nia maksoin!’”

G: Hahú dalan mak halo ita rekoñese katak ita iha dalan naruk ida atu sai ema ne'ebé haksolok no fó ksolok ba ema sira ne'ebé ita hadomi. Ita hanoin saida?



Oinsá ita bele halo tetu dalan diálogu no edukasaun di'ak iha uma laran, iha comunidade, ho belun sira?

H: Iha ami-nia moris iha rai-fuik maran barak ne'ebé presiza rega, iha fatuk barak ne'ebé presiza hasai atu bele hala'o dalan respeito, diálogo no perdaun nian. Na'i Jezús hi'it An mai no hametin ami-nia laran atu bele sai sasin Ita-nia domin nian ne'ebé justisa sosiál no respeito ba sira ne'ebé la hanesan ami.



*Ema ida sunu lilin dahuluk no komunidadereza hamutuk
orasaun ne'ebé tuir mai:*

H: Aman di'ak, profeta sira halakan nafatin povu Israel nia esperansa. Ami, nu'udar símbolu, halakan lilin ida ne'e. Ai-hun tuan nian hakfodak, tanba Maromak hola ona ami-nia isin... ami-nia moris hadeer daudaun, sensibilidade ekolójika hakilar iha ami-nia eskola, ami-nia família sira, ami-nia bairru sira. Ami harohan atu ami ida-idak loke ninia moris atu bele haburas, atu bele halakan no mantein ahi esperansa nian iha ami-nia fuan. Na'i, mai lalais! Maksoin, hi'it An mai



Kantu:

H: Ami hakarak halo dalan, tanba, hodi la'ó de'it no ho esforsu, ami bele manán futuru ida di'ak liu, iha ne'ebé ema rona, hari'i hamutuk damen, tau matan ba uma komún, hato'ó edukasaun ida ne'ebé la para iha aula laran maibé forma husi esperiénsia moris nian. Mai Na'i Jezús, halo tetu ami-nia kamiñu interiór, halo ami deskobre Ita nia Futar Oin iha kriaun!

Kantu: